

TALDE BERRIA

ERREKTOREORDE BERRIAK

Ikerkuntza eta Nazioarterako**Harremanak:** Fernando Cossio (Kimika Fakultateak)**Ikasketa Berrikuntza eta****Plangintza:** Isabel Larrakoetxea (Ingenieritza Eskola)**Ikasleria:** Beatriz Casares (Zuzenbide Fakultatea)**Euskara:** Juan Jose Larrea (Historia Fakultatea)

SEGITZEN DUTENAK, KARGUZ ALDATU ARREN

Bizkaiko Campusa: Juan Ramon Murua (Ekonomia eta Enpresa Zientzien Fakultatea)**Gipuzkoako Campusa:** Lander Sarasola (Psikologia Fakultatea)**Arabako Campusa:** Antonio Rivera (Historia Fakultatea)**Akademia Antolakuntza:** Enrique Amezua (Ingenieritza Eskola)**Irakasleria:** Victor Urrutia (Gizarte eta Informazio Zientzien Fakultatea)**Kultur Hedakuntza eta Unibertsitate****Zabalkundea:** Leonardo Lorente (Zientzien Fakultatea)**Ekonomia Gaiak:** Francisco Javier Forecada (Ekonomia eta Enpresa Zientzien Fakultatea)**Unibertsitate eta Enpresaren arteko****Harremanak:** Armando Bilbao (Ingenieritza Eskola)**Idazkari nagusia:** Marisol Esteban (Ekonomia eta Enpresa Zientzien Fakultatea)

oraindik azaleratu gabekoak» detektatu dituela jakinarazi zuen Monterok. «Gelditze seinale» horiek hiru arlo nagusitan eman direla aipatu zuen: lan garrantzitsuetako inbertsioetan –Abandoibarrako ekipamendua eta gizarte alorreko eraikina–; errektoretza taldearen programaren ardatza den Plan Estrategikoan, eta ikerketa politikan.

Kargugabetzeen auziaren inguruan, Monterok «EHU taifan erreinua» ez dela esan zuen, eta gaineratu kudeaketan ez dituela konpartimentuak onartzen.

Konfiantza mozioa aurkezteko prest azaldu zen Montero

Errektoretza talde berria eratzeko «uste baino zailtasun gutxiago» aurkitu dituela esan, eta errektoreordeak kargugabetu aurretik ordezkioak bilatu izana «lau horiekiko desleial jokatzeara» izango zela argitu zuen.

Talde berria eta aurrekoaren profil ideologikoa «antzekoa» dela, eta errektoreorde berriek programa bere egingo dutela azaldu zuen.

Unibertsitate barruan «babes sendoak» dituela ziurtatu ostean, datozen Gobernu Batzordeetan babes nahikoa eskuratuko ez balu konfiantza mozio bat aurkezteko prest agertu zen. «Babes nahikoa ez dudala ikusiko banu, neurriko erantzuna emango nioke. Ez nuke babesgabezia, karguarekiko gogoarekin nahastuko. Baina ez dut uste hori gertatuko denik».



XOUSA SIMAL

Nicanor Ursua eta Frantziska Arregi kargugabetutako bi errektoreorde Errektoretzatik ateratzen atzo.

Talde kiritikoa eratu dute Bizkaiko campuseko sei zentrotako buruek

Ustezko krisialdia sortu duten arrazoiei buruz Monterok emandako azalpenak «behar bezain egokiak» ez direla uste dute

G. Agirre | LEIOA

Bizkaiko campuseko sei fakultate eta eskoletako dekanak eta zuzendariek errektoretza talde berriarekiko talde kiritikoa eratzea erabaki dute, errektoreordeak kargugabetzeko arrazoiei buruz Monterok emandako azalpenak «behar bezain egokiak» ez direla uste dutelako.

Gobernu Batzordeko kide diren sei dekanak eta zuzendariak prentsaurerako bat eman zuten atzo Errektoreak komunikabideen aurrean izandako

agerraldiaren ostean. Gobernu Batzordea 27 kidez osatua dago; beraz, sei kide hauek gobernuaren laurdena ordezkatzeko dute.

Jose Manuel Susperregi Gizarte eta Informazio Zientzien fakultateko dekanak seikote honek sinatutako agiri bat irakurri zuen. Bertan jasotzen denez, «ustezko krisia eragin duen arrazoiei buruz errektoreak emandako azalpenak behar bezain egokiak ez direla uste dugu. Eta, ondorioz, talde kiritikoa eratu dugu, kargutik kendutako errektoreordeek

zuzendutako jardueraren esparruetako programa berriak eta, oro har, gobernu taldearen etorkizuneko politika ezagutu arte».

«Monterok emandako azalpenek», gehitu zuen Susperregi, «ez gaituzte konbentzitu. Beraz, krisia zehazki zerk eragin duen ez dakigu ezta zein izan beharko lukeen aterabide egokiak ere». Dena dela, Monteroren aurkako zentsura moziorik ez dutela aurkeztuko iragarri zuten.

Susperregiz gain, agiria ondokoek sinatzen dute: Aurora

J.M. SUSPERREGI

Kazetaritzako dekanoa

«Monteroren azalpenek ez gaituzte konbentzitu. Ez dakigu krisia zerk eragin duen, beraz, ezta nola konpondu ere»

Alonso Ekonomia eta Zientzietako dekanoa; Juan Ramon Gonzalez Zientzietako dekanoa; Ingenieritza Tekniko Eskolako zuzendaria, Patxi Sainz; Enpresa Zientzien Eskolako zuzendaria, Lamberto Benito; eta, Erizaintza Eskolako zuzendaria, Conchita Fernandez.

Komunitate unibertsitarioak beren lana epaituko duela diote kargugabetuek

G. Agirre | LEIOA

Joan den hilaren 13an, Monterok ezustean kargutik kendu zituen lau errektoreordeek Gobernu Batzordean hartu zuten parte, atzo. Izan ere, atzoko bileran egin ziren ofizial kargugabetzeak.

EGUNKARIAK kargugabetutako lau errektoreordeetatik hiru hitz egin zuen atzo, eta hirurak bat zetozen, Montero-

ren azalpenak «asegabe» utzi zituztela adierazteko.

Juan Antonio Rivas Bizkaiko campuseko errektoreorde kargutik kendutakoak adierazi zuenez, «Monterok gaur eman dituen azalpenak orain arte emandako berak dira, hau da, ezer ez». Rivasek bederatzi urte eman ditu kargu horretan, izan ere, Juan Jose Goiriarena de Gandarias eta Pello Salbururekin Bizkaiko campu-

seko errektoreorde izan baitzen.

Bestalde, Gipuzkoako campuseko Errektoreordetatik kendu duten Frantziska Arregiren ustez, errektoreak atzo emandako azalpenak «ez dotoz inolaz ere bat campus horretan egin den lanarekin». Ildo horretan, Campuseko Batzordeak ostegunean, aho batez, berak aurkeztutako kudeaketa txostena onartu zuela gogorarazi zuen, baita jasotako elkartasuna ere.

Edonola ere, Arregi «oso minduta» agertu zen auzi honetan bere gaitasun profesionala auzitan jarri delako.

Nicanor Ursua Ikasketa Berrikuntza eta Plangintzarako errektoreorde ohiak, oster, hamabost hilabete hauetan egin duen lana «komunitate unibertsitarioak epaituko» duela, eta horrek bakarrik kezkatzen duela nabarmendu zuen.

Kargugabetzeen inguruan emandako azalpenei dagokien, «Unibertsitate barruko auzia direla, eta errektoreak berak erabaki duen antolaketaren ondorio» direla azaldu zuen. Edonola ere, Ursuak bere laguntza osoa eskaini zion bere kargua betekiko duen Isabel Larrakoetxeari.